

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članovima 33. i 46. Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21), na prijedlog Ministarstva zdravstva, Vlada Zeničko-dobojskog kantona, na 128. sjednici, održanoj dana 04.11.2021. godine, d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2021. godinu na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614100- „Tekući transferi drugim nivoima vlasti“ subanalitika LAX001- „Tekući transfer za nabavku vakcina“, subanalitika LAX008- „Tekući transfer za JU Institut za zdravlje i sigurnost hrane Zenica“ i subanalitika LAX012 „Tekući transfer za JU Institut za zdravlje i sigurnost hrane Zenica za istraživanje u oblasti deratizacije“

I.

Usvaja se Program utroška sredstava planiranih u Budžetu Zeničko-dobojskog kantona za 2021. godinu („Službene novine Zeničko-dobojskog kantona”, broj: 7/21) na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 - „Tekući transferi drugim nivoima vlasti“ subanalitika LAX 001 - „Tekući transfer za nabavku vakcina“, subanalitika LAX 008 - „Tekući transfer za JU Institut za zdravlje i sigurnost hrane Zenica“ i subanalitika LAX 012 „Tekući transfer za JU Institut za zdravlje i sigurnost hrane Zenica za istraživanje u oblasti deratizacije“ u iznosu od 270.000,00 KM (slovima: dvijestotinesedamdeset hiljada konvertibilnih maraka), koji čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Za realizaciju ovog zaključka zadužuju se Ministarstvo zdravstva i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

PREMIJER

Broj: 02-11-14689/21

Datum, 04.11.2021. godine
Zenica

Mirnes Bašić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM UTROŠKA SREDSTAVA
PLANIRANIH U BUDŽETU ZENIČKO-DOBOJSKOG KANTONA
ZA 2021. GODINU**

**godinu na razdjelu 21- Ministarstvo zdravstva, budžetska organizacija 01, potrošačka
jedinica 0001, ekonomski kod 614100- „Tekući transferi drugim nivoima vlasti“
subanalitika LAX001- „Tekući transfer za nabavku vakcina“,
subanalitika LAX008- „Tekući transfer za JU Institut za zdravlje i sigurnost hrane
Zenica“ i subanalitika LAX012 „Tekući transfer za JU Institut za zdravlje i sigurnost
hrane Zenica za istraživanje u oblasti deratizacije“**

Zenica, oktobar 2021. godine

I UVOD

U skladu sa članom 33. stav (1) Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: i 7/21), sredstva utvrđena u razdjelu 21, budžetska organizacija 01, potrošačka jedinica 0001 Budžeta -Ministarstvo zdravstva - pozicija „Tekući transferi drugim nivoima vlasti“ i „Tekući transferi neprofitnim organizacijama“, koristit će se prema programima utroška, koje donosi Vlada Kantona.

U skladu sa članom 46. stav (1) Zakona o izvršavanju Budžeta Zeničko-dobojskog kantona za 2021. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati, kriterij i naziv pravnog ili fizičkog lica koje prima transfer.

1. Naziv Programa

Sredstva tekućih transfera za zdravstvo koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2021. godinu na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614100- „Tekući transferi drugim nivoima vlasti“, subanalitika LAX001- „Tekući transfer za nabavku vakcina“, subanalitika LAX008- „Tekući transfer za JU Institut za zdravlje i sigurnost hrane Zenica“ i subanalitika LAX012 „Tekući transfer za JU Institut za zdravlje i sigurnost hrane Zenica za istraživanje u oblasti deratizacije“ (u daljem tekstu: Program).

2. Ciljevi Programa

Cilj donošenja Programa je transparentno trošenje budžetskih sredstava čija je namjena obezbjeđenje određenih količina vakcina u preveniranju bolesti bjesnila i gripe, djelimično finansiranje javno-zdravstvene djelatnosti kroz realizaciju programa kao što su: prikupljanje i obrada zdravstveno-statističkih podataka i statistička istraživanja u zdravstvu, nadzor nad imunizacijom, edukacija zdravstvenih radnika i dr.

3. Izvori sredstava

U Budžetu Zeničko-dobojskog kantona za 2021. godinu na razdjelu 21, budžetska organizacija 01, potrošačka jedinica 0001- Ministarstvo zdravstva, na ekonomskom kodu 614100 „Tekući transferi drugim nivoima vlasti“ planirana su sredstva u iznosu 270.000,00 KM, koja se odnose na sljedeće tekuće transfere za koje se donosi Program:

Ekon. kod	Subanalitika	Tekući transferi	Budžet 2021. godine
1	2	3	4
614100	LAX 001	Tekući transfer za nabavku vakcina	90.000,00
614100	LAX 008	Tekući transfer za Institut za zdravlje i sigurnost hrane Zenica	150.000,00
614100	LAX012	Tekući transfer za Institut za zdravlje i sigurnost hrane Zenica za istraživanje	30.000,00
	Ukupno tekući transferi		270.000,00

Navedeni transferi realizovat će se donošenjem Programa i odluka Vlade Zeničko-dobojskog kantona o odobravanju sredstava, a prema operativnim planovima potrošnje usklađenim sa

procentom ostvarenja javnih prihoda, osim u slučajevima odobrenim posebnom odlukom Vlade Kantona.

4. Korisnici Programa

Krajnji korisnik Programa je JU Institut za zdravlje i sigurnost hrane Zenica.

II PROGRAMI

1. Tekući transfer za nabavku vakcina (ekonomski kod 614100, subanalitika LAX 0001 – planirana sredstva u iznosu 90.000,00 KM)

Članom 13. tačka 9) i 10) Zakona o zdravstvenoj zaštiti (“Službene novine Federacije Bosne i Hercegovine”, broj: 46/10 i 75/13) propisano je da društvena briga za zdravlje na nivou Kantona obuhvata mjere za osiguranje i provođenje zdravstvene zaštite od interesa za građane na području kantona i to: provođenje epidemiološke, zdravstveno- statističke, socijalno- medicinske i zdravstveno- ekološke djelatnosti, te unapređenje zdravlja i prevencija bolesti na području kantona i provođenje mjera zaštite stanovništva od zaraznih bolesti iz svoje nadležnosti u skladu sa propisima o zaštiti stanovništva od zaraznih bolesti.

Institut za zdravlje i sigurnost hrane Zenica, u skladu sa članom 119. stav 2. alineja 9. navedenog Zakona, kontinuirano provodi mjere higijensko-epidemiološke zaštite i nadzora sa epidemiološkom analizom stanja na području Kantona i provodi protivepidemijske mjere, te nadzire provođenje obaveznih imunizacija.

1.1. Antirabična zaštita

Na području Kantona evidentan je problem pasa litalica, koji su najčešći prenosnici virusa bjesnila. Nabvake vakcina protiv bjesnila je opravdana, čime se postiže visok stepen sigurnosti građana u slučaju eventualne pojave bjesnila kod životinja koje borave u blizini ljudi.

Planirana sredstava u Budžetu Zeničko-dobojskog kantona za 2021. godinu za antirabičnu zaštitu (nabavka vakcina verorab i imunoglobulina) iznose 17.800,00 KM. Jedina ovlaštena i osposobljena ustanova za procjenu potrebe i apliciranje antirabične zaštite na području Zeničko-dobojskog kantona je JU Institut za zdravlje i sigurnost hrane Zenica. Navedena nabavka je planirana u oktobru 2021. godine.

1.2. Vakcine protiv sezonske gripe

Sezonska gripa predstavlja poseban zdravstveni rizik za bolesnike sa više hroničnih oboljenja i oslabljenim imunitetom. Iako ne predstavlja teško oboljenje, pojavljivanje gripe u epidemijskom obliku može ozbiljno ugroziti osobe sa narušenim zdravljem, a posebno hronične bolesnike. Zbog toga postoji potreba za obezbjeđenjem sredstva za nabavku vakcina protiv sezonske gripe, kako bi se zaštitilo cca 3550 najugroženijih stanovnika na području Kantona.

Planirana sredstava u Budžetu Kantona za 2021. godinu za nabavku vakcina protiv sezonske gripe iznose 72.200,00 KM. JU Institut za zdravlje i sigurnost hrane Zenica vrši nabavku vakcina

i distribuciju domovima zdravlja za dalju podjelu. Navedena nabavka se planira u oktobru 2021. godine.

Planirana sredstva u Budžetu Kantona za 2021. godinu, za prethodno navedene aktivnosti iznose 90.000,00 KM, a realizacija će se vršiti u skladu sa procentom ostvarenja prihoda.

Kriteriji za raspodjelu sredstava

Zahtjev JU Institut za zdravlje i sigurnost hrane u skladu sa epidemiološkom situacijom o vrstici soju vakcine i potrebnim količinama i Odluka Vlade Kantona o odobrenju sredstava.

Vakcine nabavlja Institut za zdravlje i sigurnost hrane Zenica, sukladno Zakonu o javnim nabavkama. Po okončanju procedure javne nabavke, Ministarstvo zdravstva transferiše sredstva Institutu za zdravlje i sigurnost hrane Zenica.

2. Tekući transfer za JU Institut za zdravlje i sigurnost hrane Zenica (ekonomski kod 614100, subanalitika LAX 008 – planirana sredstva u iznosu 150.000,00 KM)

2.1. Programi javno-zdravstvene djelatnosti

Budžetom Zeničko-dobojskog kantona za 2021. godinu planirana su sredstva u iznosu od 150.000,00 KM za programe javno-zdravstvene djelatnosti koje provodi Institut za zdravlje i sigurnost hrane Zenica.

Članom 13. Zakona o zdravstvenoj zaštiti („Službene novine Federacije Bosne i Hercegovine“, broj:46/10 i 75/13) propisane su obaveze Kantona po pitanju zdravstvene zaštite. Većina mjera se direktno odnosi na javno-zdravstvenu djelatnost (tačke 3, 4, 8, 9 i 10):

- praćenje zdravstvenog stanja stanovništva i rada zdravstvenih ustanova na području kantona, kao i staranje o provođenju utvrđenih prioriteta u zdravstvenoj zaštiti;
- donošenje strateškog plana zdravstvene zaštite za područje kantona;
- planiranje i ostvarivanje kantonalnog programa za očuvanje i zaštitu zdravlja od zagađene životne okoline što je prouzrokovano štetnim i opasnim materijama u vazduhu, vodi i zemljištu, odlaganjem otpadnih materija, opasnih hemikalija, izvorima jonizujućih i nejonizujućih zračenja, bukom i vibracijama na svojoj teritoriji, kao i vršenjem sistematskih ispitivanja životnih namirnica, predmeta opšte upotrebe, mineralnih voda za piće, vode za piće i drugih voda koje služe za proizvodnju i preradu životnih namirnica i sanitarno-higijenske i rekreativne potrebe, radi utvrđivanja njihove zdravstvene i higijenske ispravnosti i propisanog kvaliteta od interesa za kanton, u skladu sa programom mjera koji donosi vlada kantona, na prijedlog kantonalnog ministra i kantonalnog ministra nadležnog za zaštitu okoline;
- provođenje epidemiološke, zdravstveno-statističke, socijalno-medicinske i zdravstveno-ekološke djelatnosti, te unapređenje zdravlja i prevenciju bolesti na području kantona;
- provođenje mjera zaštite stanovništva od zaraznih bolesti iz svoje nadležnosti u skladu sa propisima o zaštiti stanovništva od zaraznih bolesti.

Aktivnosti iz tačke 2. 5. i 6. navedenog člana Zakona posredno se odnose na javno zdravstvo, jer je Institut za zdravlje i sigurnost hrane Zenica do sada bio vrlo važan učesnik izrade dokumenata iz ove oblasti kao i njihove implementacije:

- uređenje i vođenje zdravstvene politike i provođenje reforme iz oblasti zdravstva od interesa za područje kantona;

- stvaranje uslova za pristupačnost i ujednačenost korišćenja primarne i sekundarne zdravstvene zaštite na području kantona i
- uspostava sistema poboljšanja kvaliteta i bezbjednosti zdravstvene zaštite.

Programi javno-zdravstvenih aktivnosti koje realizuje Institut za zdravlje i sigurnost hrane Zenica su od izuzetnog značaja i predstavljaju djelatnost koja je zakonska obaveza. Najveći dio ovih aktivnosti Institut mora provoditi bez obzira na dodijeljena sredstva iz Budžeta. Radi se o aktivnostima koje donosiocima odluka daju osnovu za ispravno odlučivanje, te aktivnostima koje doprinose unapređenju zdravlja stanovništva i funkcionisanja zdravstvenog sistema.

U sljedećoj tabeli dati su programi javno-zdravstvene djelatnosti i potrebna sredstva za realizaciju istih:

Naziv programa	Potreban iznos u KM	Cilj programa
Praćenje i analiza zdravstvenog stanja stanovništva i funkcionisanja zdravstva	19.300,00	Uvid u zdravstveno stanje stanovništva i funkcionisanje zdravstvenog sistema, te dati prijedloge mjera za poboljšanje stanja
Prikupljanje i obrada zdravstveno-statističkih podataka i statistička istraživanja u zdravstvu	49.000,00	Obezbjedenje podataka relevantnih za stručnu analizu organizacije i djelatosti zdravstvenog sistema na području Kantona, na osnovu koje odgovarajuće instance donose odluke iz okvira zdravstvene politike.
Antirabična zaštita	16.000,00	Spriječiti obolijevanje stanovništva od neizlječive bolesti – bjesnila
Nadzor nad akutnom flakcidnom paralizom	2.900,00	Identifikovati polio virus rano ako cirkulira, pokazati odsustvo divljeg polio virusa, pokazati da nadzor zadovoljava nivo potreban za certifikaciju
Nadzor nad HIV/AIDS	3.100,00	Držati pod nadzorom HIV/AIDS i prevenirati njegovo širenje
Nadzor nad imunizacijom	39.500,00	Podići obuhvatnost djece obavezanim imunizacijama protiv zaraznih bolesti na 90%, a za morbile 95%.
Edukacija zdravstvenih radnika	35.000,00	Unapređenje rada svih službi
Ukupno	164.800,00	

Ukupni troškovi za realizaciju prethodno navedenih programa iznose 164.800,00 KM, od čega će se iz Budžeta Zeničko-dobojskog kantona finansirati 150.000,00 KM. Nedostajuća sredstva za finansiranje navedenih programa bit će obezbjeđena iz sredstava JU Institut za zdravlje i sigurnost hrane Zenica, obzirom da se radi o aktivnostima koje su zakonska obaveza.

Kriteriji za raspodjelu sredstava

Program, odluka Vlade Kantona o odobravanju sredstava, usklađena sa procentom ostvarenja prihoda i operativni planovi potrošnje budžetskog korisnika.

Nakon usvajanja Programa i donošenja odluke o odobravanju sredstava, ukupan iznos odobrenih sredstava bit će transferisan JU Institut za zdravlje i sigurnost hrane Zenica.

Izveštaj o utrošku sredstava podnosi se Ministarstvu zdravstva po godišnjem obračunu.

3. Tekući transfer za JU Institut za zdravlje i sigurnost hrane Zenica za istraživanje u oblasti deratizacije (ekonomski kod 614100 – planirana sredstva u iznosu 30.000,00 KM)

Cilj navedenog programa je utvrditi stepen prisustva glodara, analizu prisustva po karakterističnim mjestima, uticaj pojave glodara sa ekonomskog i zdravstvenog aspekta, te utvrditi uticaj povećanog korištenja dezinfekcionih sredstava na prisustvo štetočina.

Postoji objektivna potreba da se u oblasti deratizacije radi na istraživanju i razvoju ovih aktivnosti najmanje u dvije oblasti: stepena raširenosti glodara i procjena potrebe za obimom aktivnosti deratizacije, kao i procjena uticaja na okoliš kao posljedica provođenja ovih mjera.

U okviru programapotrebno uraditi monitoring kretanja i prisustva glodara u urbanim i ruralnim sredinama, te procjena štete koju nanose u ekonomskom, zdravstvenom i estetskom smislu. Plan je utvrditi prisustvo glodara u specifičnim područjima, postavljanjem zamki i atraktanata, kako u područjima gdje je uobičajeno prisustvo glodara, tako i u područjima gdje njihovo prisustvo nije očekivano. Rezultati provedenog monitoringa bit će osnova za izradu Programa za provođenje preventivne sistematske deratizacije na području kantona za narednu godinu.

Planirana sredstva u Budžetu Kantona za 2021. godinu, za prethodno navedene aktivnosti iznose 30.000,00 KM, a realizacija će se vršiti u skladu sa procentom ostvarenja prihoda.

Kriteriji za raspodjelu sredstava

Izveštaj JU Institut za zdravlje i sigurnost hrane o provedenim aktivnostima iz ove oblasti sa specifikacijom troškova koji se odnose na realizovane aktivnosti, koji će biti osnov za donošenje odluke o odobravanju sredstava.

Broj: 02-11-14689/21

Datum, 04.11.2021. godine

Zenica

PREMIJER

Mirnes Bašić

DOSTAVLJENO:

1x Ministarstvo zdravstva,

1x Ministarstvo finansija,

1x a/a.